

wider vmb an Jr nächsten / erben vallen sôlt ôch ân aller menglichs sumung vnd widerred vnd alsuss bat in die egenant Cylia Marschalkin⁴ ze erwarent / an ainer vrtail sider si dz geben vnd vfgeben den egenannten minem herren vnd miner frowen vnd Jren elichen kinden als vor ist beschaiden / wilklich vnd gern tûn welt wie si dz nu tûn vnd volfüren môcht dz es kraft vnd maht hân môht dez frâgt ich obgenanter / Richter vrtail vmb do ward mit gemainer vmbgânder vrtail vnzerworffenlich ertailt dz si der vorgedacht ir vogt vnd fürsprech / Dristund von dem gericht vs fûrtint vnd si fragtint ob si es gern wilklich vnd vnbetwungenlich tûn welt vnd wenn si daz / getân het daz den die selb Cylia Marschalkin⁴ mit dem selben ir vogt hansen vaistlin⁵ dz vorgedâcht Jr gût vnd sûnderlich mit namen wz si het vf gâb in min hand vnd sich sin / Jetz vnd hie nach entzigi vor offem verbannen gericht vnd es denn die / egenanten min herr vnd min frow enpfhiengint von miner hand vnd dz es denn da mit wol kraft het vnd vest vnd stât beliben môht / nu vnd hie nach vnd do dz also mit recht vnd mit vrtail ertailt ward do fûrt der egenant Jr vogt hansen vaistli⁵ vnd ir fürsprech / die vorgeanten Cylien Marschalkinen⁴ vs von dem gericht vnd frâgtend si ob si es gern wilklich vnd vnbetwungenlich tûn welt / darvber si dristund her wider für gericht kament und sprachent ir vogt vnd fürsprech si dât es gern wilklich vnd vnbetwungenlich vnd / gab ôch do die selb Cylia Marschalkin⁴ mit dem egenanten ir rechten vogt hansen vaistlin⁵ daz vorgedâcht ir gût alles mitenander / so si ietz het oder noch gewunn gantzlich vf in min hand vnd entzeh sich sin vor offem verbannem gericht wie recht was vnd / ertailt ward dz es wol kraft het vnd vest vnd stât beliben môht nû vnd hie nach ân all geverd vnd argenlist vnd do dz also mit / recht vnd mit vrtail beschehen vnd volfûrt ward do kament die egenanten min herr vnd min frow für gericht mit ir fürsprechen / vnd enpfhiengent ôch do dz egenant gût alles mitenander von miner hand als vrtail vnd recht geben hat vnd batent Jnen darvber / ze ervarent ob man Jnen des Jt billich ainen brief geben von demgeriht geben sôlt diser brief inen ôch ertailt ward in / aller wis als vor ist beschaiden dez ze vrkünd ainer wârhait vnd ze ainer bestâten vesten sicherhait so hân ich obgeschribner vlman vogt ze werdenberg² von dez gerichtes wegen als ertailt ward dz ich es tûn sôlt min aigen Jnsigel gehenkt an disen brief / vnschâdlich mir vnd minen erben Jch egenant^u Cylia Marschalkin⁴ vergich ôch offenlich mit disem brief dz ich diss vfgeben / vnd diss sach in aller wis als vor geschriben vnd beschaiden ist wilklich vnd gern getân vnd volfûrt hân dez ze vrkünd hân ich für / mich vnd all min erben min aigen Jnsigel gehenkt an disen brief Jch vorgeanter hansen vaistli⁵ vergich ôch mit disem brief / dz ich des tages der egenanten Cylien Marschalkin⁴ rechter